

Lescha da taglia

Pleiv catolica-romana da Lumnezia

Sebasond silla lescha davart las taglias communalas e las taglias da baselgia dil cantun Grischun relai la Pleiv catolica-romana da Lumnezia la suandonta lescha da taglia:

I. Disposiziuns generalas

Art. 1

Object

La Pleiv catolica-romana da Lumnezia incassescha las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia supplementara ed ina taglia penala.

Art. 2

Dretg subsidiar

Aschinavon che questa lescha cuntegn neginas regulaziuns vegn ei agiu conform al senn dallas disposiziuns dalla lescha davart las taglias communalas e las taglias da baselgia sco era conform alla lescha communalala da taglia ed alla lescha cantunala da taglia.

II. Dretg material

Art. 3

Pei da taglia

Las taglias sin las entradas e sin la facultad vegnan incassadas en pertschiens dalla taglia cantunala semplia.

La radunonza da pleiv fixescha sil pli tard il december il pei da taglia per igl onn fiscal suandont.

Art. 4

Subject da taglia

Tut las personas catolicas sesentas el territori dalla Pleiv catolica-romana da Lumnezia ein obligadas da pagar taglia, plinavon tut las personas catolicas che habiteschan ordeifer il territori dalla pleiv e ch'ein obligadas limitadamein da pagar taglia tenor il dretg cantunal alla Pleiv catolica-romana da Lumnezia.

L'obligaziun da pagar taglia sedrezza ton tenor l'appartenenza ecclesiastica dallas singulas personas ch'ei obligadas da pagar taglia sco era tenor las disposiziuns dalla lescha cantunala da taglia.

En lètgs nua ch'ils conjugals appartegnan a differentas confessiuns ston ils facturs totals vegnir reparti mintgamai per la mesadad sin omisus conjugals.

III. Dretg formal

Art. 5

Autoritads

Per exequir questa lescha ein las autoritads ch'ei incumbensadas cull'execuziun dallas taglias communalas cumpetentas - cun la resalva d'alea 2.

Davart l'obligaziun subjectiva da pagar taglia decida la suprastanza.

Art. 6

Scadenza ed incasso

Las taglias da baselgia scadan ensemen cun las taglias communalas.

Ellas ston vegnir pagadas ensemen cun las taglias communalas.

IV. Disposziuns finalas

Art. 7

Entrada en vigur

Questa lescha ei vegnida approvada dalla radunonza constitutiva dalla Pleiv catolica-romana da Lumnezia dils 3 da november 2017.

Ella entra en vigur igl empren da schaner 2018.

Cun l'entrada en vigur da questa lescha vegnan tuttas disposziuns d'alters relaschs che stattan en cuntradiciun cun ella abolidas.

Per la suprastanza transitoria dalla Pleiv catolica-romana da Lumnezia

Il president:

Alexander Casanova

Igl actuar:

Fidel Arpagaus